



UNDANG-UNDANG MALAYSIA

AKTA 469

Akta Optik 1991

Mengandungi pindaan terkini - P.U. (A) 234/2017

Tarikh Persetujuan Diraja:	2 September 1991
Tarikh diterbitkan dalam Warta:	12 September 1991
Tarikh mula berkuatkuasa ditetapkan:	1 Februari 1992 [P.U.(B) 39/1992]

SUSUNAN SEKSYEN

Tajuk panjang & Mukadimah.

BAHAGIAN I. PERMULAAN

Seksyen 1. Tajuk ringkas dan mula berkuatkuasa.

Seksyen 2. Tafsiran.

BAHAGIAN II. MAJLIS OPTIK MALAYSIA

Seksyen 3. Penubuhan Majlis.

Seksyen 4. Keanggotaan Majlis.

Seksyen 5. Tempoh jawatan.

Seksyen 6. Saraan.

Seksyen 7. Kewarganegaraan.

Seksyen 8. Pengosongan jawatan.

Seksyen 9. Mesyuarat Majlis.

Seksyen 10. Prosedur dalam mesyuarat.

Seksyen 11. Jawatankuasa- jawatankuasa.

Seksyen 12. Akta Perlindungan Pihak Berkuasa Awam 1948.

Seksyen 13. Pengkhidmat awam.

Seksyen 14. Kuasa Menteri untuk mengeluarkan arahan.

Seksyen 15. Penyata.

BAHAGIAN III. PENDAFTARAN JURUOPTIK DAN OPTOMETRIS

Seksyen 16. Pendaftar.

Seksyen 17. Daftar.

Seksyen 18. Orang- orang yang berhak didaftarkan sebagai juruoptik.

Seksyen 19. Orang- orang yang berhak didaftarkan sebagai optometris.

Seksyen 20. Cara pendaftaran.

Seksyen 21. Bidang kuasa tatatertib Majlis.

Seksyen 22. Hukuman tatatertib.

Seksyen 23. Siasatan.

Seksyen 24. Penyerahan balik perakuan pendaftaran.

Seksyen 25. Rayuan.

Seksyen 26. Permotongan nama oleh sebab kelemahan fizikal atau mental.

Seksyen 27. Perubahan kepada Daftar.

Seksyen 28. Kemasukan semula nama dalam Daftar.

BAHAGIAN IV. AMALAN OPTOMETRI

Seksyen 29. Hanya orang- orang berdaftar sahaja boleh menjalankan amalan optometri.

Seksyen 30. Majlis boleh membenarkan juruoptik mempreskripsi dan mendispens kanta lekap.

Seksyen 31. Larangan terhadap penggunaan ubat dalam mengukur daya penglihatan.

Seksyen 32. Perakuan pengamalan tahunan.

Seksyen 33. Penjalanan amalan tanpa perakuan pengamalan tahunan.

BAHAGIAN V. AM

Seksyen 34. Pendaftaran fraud.

Seksyen 35. Kesalahan- kesalahan.

Seksyen 36. Alat- alat optik.

Seksyen 37. Penalti am.

Seksyen 38. Kuasa untuk memasuki premis dan memeriksa dan menyita dokumen dsb.

Seksyen 39. Penjalanan pendakwa.

Seksyen 40. Pertubuhan perbadanan dan perkongsian.

Seksyen 41. Kuasa Menteri meminda Jadual- jadual.

Seksyen 42. Peraturan- peraturan.

JADUAL PERTAMA

JADUAL KEDUA

SENARAI PINDAAN

Tajuk panjang & Mukadimah.

Suatu Akta bagi mengadakan peruntukan mengenai pendaftaran orang-orang yang menjalankan amalan sebagai juruoptik dan optometris, bagi mengawal amalan optometri, dan perkara-perkara yang berkaitan dengannya.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya seperti berikut:

Seksyen 1. Tajuk ringkas dan mula berkuatkuasa.

(1) Akta ini bolehlah dinamakan Akta Optik 1991.

(2) Akta ini hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*, dan Menteri boleh-

(a) menetapkan tarikh mula berkuatkuasa yang berlainan bagi peruntukan-peruntukan yang berlainan dalam Akta ini;

(b) menetapkan tarikh mula berkuatkuasa yang berlainan bagi bahagian-bahagian yang berlainan dalam Malaysia.

Seksyen 2. Tafsiran.

Dalam Akta ini, melainkan jika konteksnya menghendaki makna yang lain-

"alat optik" ertinya sesuatu alat yang direkabentuk untuk membetulkan, memulihkan atau meringankan apa-apa keabnormalan refraktif atau kecacatan optik pada penglihatan;

"anggota" ertinya anggota Majlis;

"Daftar" ertinya Daftar yang disimpan mengikut seksyen 17;

"institusi pengajian tinggi" ertinya Universiti atau Kolej Universiti yang ditubuhkan di bawah Akta

Universiti dan Kolej Universiti 1971 [*Akta 30.*];

"juruoptik berdaftar" ertinya seseorang juruoptik yang didaftarkan di bawah seksyen 18;

"kanta mata" ertinya kanta yang digunakan untuk membetulkan, memulihkan atau meringankan apa-apa keabnormalan refraktif atau kecacatan optik pada penglihatan;

"Ketua Pengarah" ertinya Ketua Pengarah Kesihatan, Malaysia;

"Majlis" ertinya Majlis Optik Malaysia yang ditubuhkan di bawah seksyen 3;

"optometri" ertinya menggunakan kaedah-kaedah bagi mengukur daya penglihatan, atau penyesuaian kanta atau prisma mata untuk membantu daya penglihatan, atau kedua-duanya;

"optometris berdaftar" ertinya seseorang optometris yang didaftarkan di bawah seksyen 19;

"orang berdaftar" ertinya seseorang yang didaftarkan di bawah seksyen 18 atau 19 dan termasuk seseorang yang didaftarkan sementara di bawah subseksyen (3) seksyen 18;

"pakar oftamologi" ertinya seseorang yang didaftarkan di bawah Akta Perubatan 1971 [*Akta 50.*] dan yang mengkhususkan diri dalam penjagaan keadaan mata;

"Pendaftar" ertinya Pendaftar yang disebutkan dalam seksyen 16;

"pengamal perubatan" ertinya seseorang yang didaftarkan di bawah Akta 1971;

"Pengerusi" ertinya Pengerusi Majlis;

"Timbalan Ketua Pengarah" ertinya Timbalan Ketua Pengarah Kesihatan, Malaysia.

Seksyen 3. Penubuhan Majlis.

Maka adalah dengan ini ditubuhkan suatu pertubuhan perbadanan yang kekal turun-temurun dan mempunyai meterai biasa dan yang boleh mendakwa dan didakwa atas namanya yang hendaklah dikenali sebagai Majlis Optik Malaysia.

Seksyen 4. Keanggotaan Majlis.

(1) Majlis hendaklah terdiri daripada anggota- anggota yang berikut:

(a) Ketua Pengarah yang hendaklah menjadi Pengerusi;

(b) Timbalan Ketua Pengarah yang hendaklah menjadi Timbalan Pengerusi;

(c) dua orang pakar oftalmologi yang bermastautin di Malaysia yang hendaklah dipilih oleh optometris- optometris berdaftar yang bermastautin di Malaysia;

(d) dua orang optometris berdaftar yang bermastautin di Malaysia yang hendaklah dipilih oleh optometris- optometris berdaftar yang bermastautin di Malaysia;

(e) dua orang juruoptik berdaftar yang bermastautin di Malaysia yang hendaklah dipilih oleh juruoptik- juruoptik berdaftar yang bermastautin di Malaysia;

(f) seorang wakil dari mana- mana institusi pengajian tinggi yang menawarkan kursus atau program optometri, yang hendaklah dilantik oleh Menteri.

(2) Walau apa pun subseksyen (1), Majlis yang pertama hendaklah terdiri daripada anggota- anggota yang berikut:

(a) Ketua Pengarah yang hendaklah menjadi Pengerusi;

(b) Timbalan Ketua Pengarah yang hendaklah menjadi Timbalan Pengerusi;

(c) dua orang pakar oftalmologi yang bermastautin di Malaysia, seorang daripadanya hendaklah dari sektor awam, yang hendaklah dilantik oleh Menteri;

(d) dua orang yang bermastautin di Malaysia dan layak didaftarkan sebagai optometris di bawah Akta ini, yang hendaklah dilantik oleh Menteri;

(e) dua orang yang bermastautin di Malaysia dan layak didaftarkan sebagai juruoptik di bawah Akta ini, yang hendaklah dilantik oleh Menteri;

(f) seorang wakil dari mana- mana institusi pengajian tinggi yang menawarkan kursus atau program optometri, yang hendaklah dilantik oleh Menteri.

(3) Jika Pengerusi tidak dapat menjalankan fungsi- fungsinya di bawah Akta ini atau mana- mana peraturan yang dibuat di bawah Akta ini kerana dia sakit, tidak ada di Malaysia atau kerana apa- apa sebab lain, fungsi- fungsinya hendaklah dijalankan oleh Timbalan Pengerusi.

(4) Tanpa menjejaskan subseksyen (3), Pengerusi boleh mewakilkan mana- mana fungsinya kepada Timbalan Pengerusi yang, pada menjalankan fungsi- fungsi itu, hendaklah tertakluk kepada kawalan pengawasan dan arahan Pengerusi.

Seksyen 5. Tempoh jawatan.

(1) Tertakluk kepada subseksyen (2), seseorang anggota yang dilantik atau dipilih di bawah subseksyen (1) atau (2) seksyen 4 hendaklah memegang jawatan selama tempoh tiga tahun dan layak dilantik semula atau dipilih semula.

(2) Menteri hendaklah, pada melantik anggota yang disebut dalam perenggan (c), (d) dan (e) subseksyen (2) seksyen 4, memastikan bahawa tempoh jawatan seseorang daripada anggota yang dilantik di bawah setiap perenggan itu habis tempoh satu tahun lebih awal daripada tempoh jawatan anggota yang satu lagi yang dilantik di bawah perenggan yang sama.

(3) Jika jawatan seseorang anggota menjadi kosong sebelum habis tempoh jawatannya, orang yang dilantik atau dipilih untuk mengisi kekosongan itu hendaklah memegang jawatan yang belum habis bagi anggota yang jawatannya telah menjadi kosong itu.

Seksyen 6. Saraan.

Tertakluk kepada subseksyen (2), seseorang anggota tidak berhak dibayar berkenaan dengan tugas- tugas atau fungsi- fungsi yang dijalankan olehnya menurut Akta ini.

(2) Seseorang anggota Majlis berhak mendapat pembayaran ganti apa- apa perbelanjaan yang tugas atau fungsi- fungsinya di bawah Akta ini.

Seksyen 7. Kewarganegaraan.

Tiada seorang pun boleh dilantik atau dipilih menjadi anggota melainkan jika di warganegara Malaysia.

Seksyen 8. Pengosongan jawatan.

Seseorang anggota yang dilantik atau dipilih di bawah subseksyen (1) atau (2) seksyen 4 hendaklah disifatkan telah mengosongkan jawatannya-

(a) jika perantikannya ditamatkan; atau

(b) jika dia menjadi bankrap yang belum lepas; atau

(c) jika dia diperakui tak sempurna akal; atau

(d) jika dia telah disabitkan oleh mahkamah di Malaysia atau di tempat lain atas apa-apa kesalahan yang melibatkan fraud, kecurangan atau keburukan akhlak, atau atas apa-apa kesalahan yang boleh dihukum dengan pemenjaraan (sama ada pemenjaraan sahaja atau sebagai tambahan kepada denda atau sebagai ganti denda) selama lebih daripada dua tahun; atau

(e) jika dia meletakkan jawatannya dengan surat yang dialamatkan kepada Pengerusi dan perletakan jawatan itu diterima oleh pengurus; atau

(f) jika tidak menghadiri tiga mesyuarat Majlis berturut-turut tanpa kebenaran Majlis; atau

(g) jika dia berhenti menjadi pakar oftalmologi, juruoptik berdaftar atau optometris berdaftar.

Seksyen 9. Mesyuarat Majlis.

(1) Tertakluk kepada subseksyen (2), sesuatu mesyuarat Majlis hendaklah dipanggil oleh Pengerusi melalui notis secara bertulis kepada anggota-anggota lain dan mesyuarat itu hendaklah diadakan pada masa di tempat yang dinyatakan dalam notis itu.

(2) Menteri boleh, melalui notis secara bertulis kepada setiap orang anggota, mengarahkan supaya suatu mesyuarat diadakan pada masa dan di tempat yang dinyatakan dalam notis itu.

(3) Majlis hendaklah bermesyuarat sekurang-kurangnya enam bulan sekali.

Seksyen 10. Prosedur dalam mesyuarat.

(1) Pengerusi, jika hadir, hendaklah mempengerusikan semua mesyuarat Majlis.

(2) Jika Pengerusi tidak hadir pada mana- mana mesyuarat Majlis maka Timbalan Pengerusi hendaklah mempengerusikan mesyuarat dan jika kedua- duanya tidak hadir maka anggota- anggota yang hadir pada mesyuarat itu hendaklah memilih seorang daripada antara mereka untuk mempengerusikan mesyuarat itu.

(3) Pengerusi atau Timbalan Pengerusi, apabila dia mempengerusikan sesuatu mesyuarat, hendaklah mempunyai undi pemutus.

(4) Pada sesuatu mesyuarat Majlis, lima orang anggota membentuk kuorum.

(5) Semua soal yang dikemukakan dalam mesyuarat Majlis hendaklah diputuskan dengan majoriti biasa anggota- anggota yang hadir dan mengundi.

(6) Tertakluk kepada Akta ini, prosedur Majlis hendaklah sebagaimana yang ditentukan oleh Majlis.

Seksyen 11. Jawatankuasa- jawatankuasa.

(1). Majlis boleh melantik jawatankuasa- jawatankuasa untuk membantunya dalam menjalankan fungsi- fungsinya di bawah Akta ini.

(2) Majlis boleh mewakili mana- mana fungsinya di bawah Akta ini, selain daripada kuasa perwakilan ini, kepada mana- mana jawatankuasa yang dilantik daripada kalangan anggota- anggota Majlis.

(3) sesuatu perwakilan dibawah subseksyen (2) boleh dibatalkan oleh Majlis dan tidaklah terhalang Majlis daripada menjalankan mana- mana fungsinya di bawah Akta ini.

Seksyen 12. Akta Perlindungan Pihak Berkuasa Awam 1948.

Akta Perlindungan Pihak Berkuasa Awam 1948 [*Akta 198.*] terpakai bagi apa- apa tindakan, guaman, pendakwaan atau prosiding terhadap Majlis atau terhadap mana- mana anggota, pegawai, pengkhidmat atau ejen Majlis berkenaan dengan apa- apa tindakan, pengabaian atau keingkaran yang dibuat atau dilakukan olehnya atas sifat yang sedemikian itu.

Seksyen 13. Pengkhidmat awam.

Semua anggota Majlis, semasa menjalankan kewajipan mereka sebagai anggota yang sedemikian itu, hendaklah disifatkan sebagai pengkhidmat awam mengikut pengertian Kanun Keseksaan [*N.M.B. Bab 45.*].

Seksyen 14. Kuasa Menteri untuk mengeluarkan arahan.

Menteri boleh, dari semasa ke semasa, mengeluarkan arahan- arahan am yang tidak tak konsisten dengan peruntukan- peruntukan akta ini dan Majlis hendaklah melaksanakan arahan- arahan itu.

Seksyen 15. Penyata.

Majlis hendaklah memberi segala penyata dan maklumat berkenaan dengan aktiviti- aktiviti-nya sebagaimana yang dikehendaki oleh Menteri dari semasa ke semasa.

Seksyen 16. Pendaftar.

(1) Bagi maksud- maksud akta ini maka hendaklah ada seorang Pendaftar.

(2) Ketua Pengarah hendaklah menjadi Pendaftar.

(3) Menteri boleh melantik seorang pegawai awam, yang tidak semestinya anggota Majlis, menjadi timbalan Pendaftar.

(4) Pendaftar boleh mewakilkan mana- mana fungsinya di bawah Akta ini atau mana- mana peraturan yang dibuat di bawah Akta ini kepada Timbalan Pendaftar yang, pada menjalankan fungsi- fungsi itu, hendaklah tertakluk kepada kawalan, pengawasan dan arahan Pendaftar.

Seksyen 17. Daftar.

(1) Pendaftar hendaklah menyebabkan Daftar- Daftar yang berikut disimpan dalam bentuk yang ditetapkan:

(a) Daftar juruoptik;

(b) Daftar optometris.

(2) Tanpa menjejaskan subseksyen (1), Daftar- Daftar boleh mengandungi apa- apa butir yang

ditetapkan oleh Majlis.

(3) Pendaftar hendaklah bertanggungjawab atas penyenggaraan dan penjagaan Daftar- Daftar mengikut peruntukan- peruntukan Akta ini dan peruntukan- peruntukan yang dibuat di bawah Akta ini.

(4) Daftar- Daftar hendaklah disifatkan sebagai dokumen awam mengikut pengertian Akta Keterangan 1950 [*Akta 56*].

(5) Suatu perakuan di bawah tandatangan Pendaftar bahawa mana- mana orang-

(a) didaftarkan atau tidak didaftarkan di bawah Akta ini; atau

(b) pernah atau tidak pernah pada bila- bila masa didaftarkan di bawah Akta ini,

hendaklah menjadi keterangan muktamad tentang perkara- perkara yang disebutkan dalam perakuan itu.

Seksyen 18. Orang- orang yang berhak didaftarkan sebagai juruoptik.

(1) Mana- mana orang berhak didaftarkan sebagai juruoptik jika dia memuaskan hati Majlis bahawa dia berumur tidak kurang daripada lapan belas tahun, ialah seorang yang patut dan layak didaftarkan sebagai juruoptik dan memegang mana- mana kelulusan yang dinyatakan dalam Jadual Pertama.

(2) Majlis boleh membenarkan pendaftaran mana- mana orang sebagai juruoptik jika dia memuaskan hati Majlis bahawa dia berumur tidak kurang daripada lapan belas tahun, ialah seorang yang patut dan layak didaftarkan sebagai juruoptik dan-

(a) telah menjalankan amalan mempreskripsi dan mendispens kanta mata selama tempoh yang tidak kurang daripada satu tahun sebelum sahaja Akta ini mula berkuatkuasa; atau

(b) mempunyai kelulusan yang tidak dinyatakan dalam Jadual Pertama tetapi kelulusan itu dianggap sesuai oleh Menteri, selepas berunding dengan Majlis, bagi maksud- maksud pendaftaran.

(3) Majlis boleh, tertakluk kepada apa- apa syarat atau sekatan yang dikenakan oleh Majlis, membenarkan seseorang-

(a) yang sedang menghadiri suatu kursus bagi mendapatkan mana- mana kelulusan yang dinyatakan

dalam Jadual Pertama; dan

(b) yang dikehendaki menjalani latihan amali sebahagian daripada kursus itu,

didaftarkan sementara dalam Daftar juruoptik selama tempoh amali itu dan, walau apa pun seksyen 29, orang itu boleh menjalankan amalan seolah-olah dia ialah seorang juruoptik berdaftar.

(4) Jika Majlis berpuas hati bahawa seseorang yang telah didaftarkan sementara di bawah subseksyen

(3)-

(a) tidak atau tidak lagi menghadiri suatu kursus bagi mendapatkan mana-mana kelulusan yang dinyatakan dalam Jadual Pertama; atau

(b) tidak atau tidak lagi menjalani latihan amali sebagai sebahagian daripada kursus itu; atau

(c) telah melanggar mana-mana syarat atau sekatan yang dikenakan ke atasnya,

Majlis boleh membatalkan pendaftaran sementara orang itu dan memerintahkan supaya namanya dipotong dari Daftar.

Seksyen 19. Orang-orang yang berhak didaftarkan sebagai optometris.

(1) Mana-mana orang berhak didaftarkan sebagai optometris jika dia memuaskan hati Majlis bahawa dia berumur tidak kurang daripada lapan belas tahun, ialah seorang yang patut dan layak didaftarkan sebagai optometris dan memegang mana-mana kelulusan yang dinyatakan dalam Jadual Kedua.

(2) Majlis boleh membenarkan pendaftaran mana-mana orang sebagai optometris jika dia memuaskan hati Majlis bahawa dia berumur tidak kurang daripada lapan belas tahun, ialah seorang yang patut dan layak didaftarkan sebagai optometris dan mempunyai kelulusan yang tidak dinyatakan dalam Jadual Kedua tetapi kelulusan itu dianggap sesuai oleh Menteri selepas berunding dengan Majlis, bagi maksud-maksud pendaftaran.

Seksyen 20. Cara pendaftaran.

(1) Tertakluk kepada peruntukan- peruntukan Akta ini dan peraturan- peraturan yang dibuat di bawahnya, mana- mana orang yang mahu supaya didaftarkan di bawah Akta ini boleh memohon kepada Pendaftar dalam borang yang ditetapkan.

(2) Pendaftaran di bawah Akta ini hendaklah dilaksanakan dengan mencatatkan, dalam Daftar, butir- butir pemohon sebagaimana yang ditetapkan apabila fee yang ditetapkan dibayar.

(3) Tiap- tiap catatan dalam Daftar hendaklah ditandatangani oleh Pengerusi .

(4) Jika seseorang didaftarkan di bawah Akta ini, Majlis hendaklah menyebabkan supaya dikeluarkan kepadanya suatu perakuan pendaftaran di bawah tandatangan Pengerusi.

(5) Peruntukan- peruntukan seksyen ini hendaklah terpakai bagi sesuatu permohonan bagi pendaftaran sementara di bawah subseksyen (3) seksyen 18 dan bagi pendaftaran sementara itu sendiri.

Seksyen 21. Bidang kuasa tatatertib Majlis.

(1) Majlis hendaklah mempunyai bidang kuasa tatatertib atas semua orang berdaftar.

(2) Majlis boleh menjalankan bidang kuasa tatatertib atas mana- mana orang berdaftar-

(a) yang pendaftarannya telah didapati secara fraud atau salah nyatanya; atau

(b) yang diploma, sijil atau kelulusannya yang lain telah ditarik balik atau dibatalkan oleh universiti, kolej atau badan yang menganugerahkannya; atau

(c) yang telah disabitkan oleh mahkamah di Malaysia atau di tempat lain atas apa- apa kesalahan yang melibatkan fraud, kecurangan atau keburukan akhlak atau yang telah dijatuhi hukuman pemenjaraan (sama ada pemenjaraan sahaja atau sebagai tambahan kepada denda atau sebagai ganti denda) selama tempoh yang lebih daripada satu tahun;

(d) yang tidak berhak didaftarkan pada masa dia didaftarkan.

Seksyen 22. Hukuman tatatertib.

(1) Majlis boleh, pada menjalankan bidang kuasa tatatertibnya, mengenakan mana- mana hukuman yang berikut:

(a) memerintah supaya nama orang berdaftar itu dipotong dari Daftar; atau

(b) memerintah supaya nama orang berdaftar itu digantung dari Daftar selama suatu tempoh yang difikirkannya patut; atau

(c) membuat mana- mana perintah yang tersebut di atas tetapi menggantung pelaksanaannya, tertakluk kepada apa- apa syarat yang difikirkannya patut, selama suatu tempoh atau tempoh- tempoh yang tidak melebihi dua tahun; atau

(d) memerintah supaya orang berdaftar itu dicela.

(2) Majlis boleh, dalam mana- mana kes, membuat apa- apa perintah yang difikirkannya patut berkenaan dengan pembayaran kos Pendaftar dan kos mana- mana pengadu atau kos orang berdaftar itu.

(3) Apa- apa kos yang diawardkan di bawah subseksyen (2) boleh didapatkan sebagai hutang sivil.

Seksyen 23. Siasatan.

(1) Sebelum membuat apa- apa perintah tatatertib, Majlis hendaklah mengadakan suatu siasatan.

(2) Orang berdaftar yang terhadapnya apa- apa pengaduan dibuat boleh diwakili oleh seorang peguam atau mana- mana orang yang diberikuasa oleh orang berdaftar itu secara bertulis.

(3) Dalam menjalankan siasatan Majlis tidak terikat oleh peruntukan- peruntukan Akta Keterangan 1950 atau mana- mana prosedur undang- undang tetapi boleh menjalankan siasatan mengikut cara yang difikirkannya patut.

(4) Majlis boleh melantik seorang peguam untuk membantu Majlis.

(5) Majlis boleh menggantung, buat sementara waktu, pendaftaran orang berdaftar sementara menunggu keputusan Majlis atau pemberesan mana- mana rayuan.

Seksyen 24. Penyerahan balik perakuan pendaftaran.

(1) Jika nama seseorang orang berdaftar telah diperintahkan oleh Majlis supaya dipotong dari Daftar, orang itu hendaklah menyerahkan perakuan pendaftarannya kepada Majlis dalam tempoh empat belas hari dari penerimaan perintah itu.

(2) Mana- mana orang yang tidak mematuhi subseksyen (1) adalah melakukan suatu kesalahan.

Seksyen 25. Rayuan.

(1) Mana- mana orang yang terkilan dengan apa- apa perintah yang dibuat berkenaan dengannya oleh Majlis di bawah seksyen 22 boleh merayu, mengikut peraturan- peraturan yang dibuat di bawah Akta ini, kepada Lembaga Rayuan yang ditubuhkan di bawah subseksyen (6) dan Lembaga Rayuan itu boleh, berikutan dengan itu, mengesahkan, mengakaskan atau mengubah perintah yang difikirkannya adil atau patut.

(2) Lembaga Rayuan boleh, dalam mana- mana kes, membuat apa- apa perintah yang difikirkannya patut berkenaan dengan pembayaran kos, dan apa- apa kos yang diawardkan boleh didapatkan sebagai hutang sivil.

(3) Walau apa pun subseksyen (1), Lembaga Rayuan tidaklah mempunyai kuasa untuk mendengar rayuan terhadap sesuatu perintah yang dibuat di bawah seksyen 22 melainkan jika notis rayuan diberikan dalam masa satu bulan dari penyampaian perintah itu.

(4) Majlis hendaklah memberikan kuatkuasa kepada apa- apa keputusan yang dibuat oleh Lembaga Rayuan.

(5) Keputusan Lembaga Rayuan adalah muktamad.

(6) Bagi maksud- maksud seksyen ini, maka hendaklah ditubuhkan suatu Lembaga Rayuan yang terdiri daripada-

(a) seorang Hakim Mahkamah Tinggi, sebagai Pengerusi, yang hendaklah dilantik oleh Yang di- Pertuan Agong selepas berunding dengan Ketua Hakim Negara; dan

(b) dua orang lain yang hendaklah dilantik oleh Yang di- Pertuan Agong.

(7) Seseorang anggota Lembaga Rayuan hendaklah, melainkan jika dia terlebih dahulu meletakkan jawatannya atau perlantikan dibatalkan, memegang jawatan selama tempoh yang dinyatakan dalam surrattcara yang melainkannya dan adalah layak dilantik semula.

(8) Tertakluk kepada Akta ini dan peraturan- peraturan yang dibuat di bawah Akta ini, prosedur Lembaga Rayuan hendaklah ditentukan oleh Lembaga itu.

Seksyen 26. Permotongan nama oleh sebab kelemahan fizikal atau mental.

(1) Tanpa menjejaskan peruntukan- peruntukan subseksyen (4) seksyen 18 dan peruntukan- peruntukan seksyen 22, Majlis boleh memerintahkan supaya nama mana- mana orang berdaftar dipotong dari Daftar jika Majlis berpuashati bahawa orang berdaftar itu tak paya, oleh sebab kelemahan fizikal atau mental, menjalankan tugas- tugasnya sebagai optometris.

(2) Bagi maksud memuaskan hatinya bahawa mana- mana orang berdaftar tak upaya, oleh sebab kelemahan fizikal atau mental, menjalankan tugas- tugasnya sebagai juruoptik atau optometris, Majlis hendaklah melantik suatu Lembaga Kajian Semula Perubatan yang hendaklah terdiri daripada tidak kurang daripada tiga orang pengamal perubatan untuk menjalankan siasatan atas setiap kes dan membuat syor- syor yang difikirkan patut oleh Lembaga itu.

(3) Peruntukan- peruntukan seksyen 24 dan 25 hendaklah terpakai bagi mana- mana orang yang namanya telah diperintahkan supaya dipotong dari Daftar di bawah seksyen ini.

Seksyen 27. Perubahan kepada Daftar.

Tanpa menjejaskan mana- mana peruntukan lain Akta ini, jika Majlis berpuas hati bahawa seseorang orang berdaftar-

(a) telah meninggal dunia; atau

(b) tidak lagi menjalankan amalan sebagai juruoptik atau optometris di Malaysia; atau

(c) diterima masuk atau dikurung dalam mana- mana hospital mental di bawah peruntukan mana- mana undang- undang,

maka Majlis hendaklah menyebabkan supaya namanya dan semua butir yang berhubungan dengannya dipotong dari Daftar yang berkenaan.

Seksyen 28. Kemasukan semula nama dalam Daftar.

(1) Jika nama seseorang orang berdaftar telah dipotong dari Daftar, dia boleh memohon supaya namanya dimasukkan semula ke dalam Daftar atas alasan bahawa disebabkan oleh sesuatu perubahan tertentu hal- hal keadaan yang telah berlaku semenjak tarikh pemotongan itu maka sepatutnyalah namanya dimasukkan semula sedemikian.

(2) Apabila permohonan dibuat kepadanya, Majlis boleh, menurut budi bicaranya, memerintahkan supaya nama pemohon itu dimasukkan semula ke dalam Daftar.

(3) Seseorang yang terkilan dengan keputusan majlis di bawah subseksyen (2) boleh merayu kepada Menteri dan keputusan Menteri adalah muktamat dan konklusif.

Seksyen 29. Hanya orang- orang berdaftar sahaja boleh menjalankan amalan optometri.

(1) Tiada seorang pun boleh menjalankan amalan optometri melainkan jika dia seorang orang berdaftar.

(2) Walau apa pun subseksyen (1) tetapi tertakluk kepada seksyen 30, tiada seorang pun boleh mempreskripsi atau mendispens kanta lekap melainkan jika seorang optometris berdaftar.

(3) Subseksyen (1) dan (2) tidaklah terpakai bagi seorang pengamal perubatan.

(4) Mana- mana orang yang melanggar seksyen ini adalah melakukan suatu kesalahan.

Seksyen 30. Majlis boleh membenarkan juruoptik mempreskripsi dan mendispens kanta lekap.

(1) Walau apa pun subseksyen (2) seksyen 29, Majlis boleh, atas permohonan seseorang juruoptik berdaftar-

(a) yang telah mempreskripsi dan mendispens kanta lekap selama tempoh tiga tahun atau lebih sebelum sahaja tarikh Akta ini mula berkuatkuasa; atau

(b) yang telah mempreskripsi dan mendispens kanta lekap selama tempoh yang kurang daripada tiga tahun sebelum sahaja tarikh Akta ini mula berkuatkuasa dan kepada subseksyen (2), telah lulus, dalam tempoh enam tahun dari tarikh Akta ini mula berkuatkuasa, peperiksaan yang diadakan oleh Majlis,

membenarkannya terus mempreskripsi dan mendispens kanta lekap.

(2) Tiada seorang pun boleh dibenarkan menduduki peperiksaan yang disebutkan dalam perenggan (b) subseksyen (1) melainkan jika dia telah menamatkan dalam masa satu tahun dari tarikh Akta ini mula berkuatkuasa, suatu kursus latihan yang diluluskan oleh Majlis dan telah menjalankan amalan mempreskripsi dan mendispens kanta lekap selama suatu tempoh yang tidak boleh kurang daripada perbezaan diantara tempoh tiga tahun dengan tempoh dia telah mempreskripsi dan mendispens kanta lekap sebelum Akta ini mula berkuatkuasa.

(3) Walau apa pun subseksyen (2) seksyen 29 dan semata-mata bagi maksud-maksud perenggan (b) subseksyen (1), seseorang juruoptik berdaftar yang disebutkan dalam perenggan itu boleh terus mempreskripsi dan mendispens kanta lekap selama tempoh yang tidak melebihi enam tahun dari tarikh Akta ini mula berkuatkuasa.

(4) Walau apa pun subseksyen (2) seksyen 29 dan subseksyen (1) seksyen ini, Majlis boleh, apabila permohonan dibuat oleh seseorang juruoptik berdaftar dan apabila Majlis berpuas hati bahawa pemohon telah menerima latihan yang sepatutnya, dan bahawa dia kompeten, dalam mempreskripsikan mendispens kanta lekap, membenarkannya mempreskripsi dan mendispens kanta lekap.

(5) Majlis boleh, sebelum memberikan kebenarannya di bawah subseksyen (4), menghendaki pemohon lulus peperiksaan yang diadakan oleh Majlis.

(6) Kebenaran yang disebut dalam subseksyen (1) dan (4) hendaklah diberikan secara bertulis dalam apa-apa bentuk yang ditentukan oleh Majlis.

Seksyen 31. Larangan terhadap penggunaan ubat dalam mengukur daya penglihatan.

(1) Tiada seorang pun, selain daripada pengamal perubatan, boleh menggunakan suatu kaedah pengukuran daya penglihatan yang melibatkan penggunaan ubat.

(2) Walau apa pun subseksyen (1)-

(a) seseorang optometris berdaftar; atau

(b) seseorang juruoptik berdaftar yang dibenarkan mempreskripsi dan mendispens kanta lekap,

boleh menggunakan, bagi maksud- maksud refraktif apa- apa ubat yang difikirkan oleh Majlis dari semasa ke semasa sesuai.

Seksyen 32. Perakuan pengamalan tahunan.

(1) Seseorang orang berdaftar yang berniat untuk menjalankan amalan sebagai juruoptik atau optometris selepas tiga puluh satu haribulan Disember mana- mana tahun hendaklah, tidak lewat daripada satu haribulan Disember tahun itu, membuat permohonan dalam borang yang ditetapkan bagi mendapatkan suatu perakuan untuk menjalankan amalan sebagai juruoptik atau optometris dalam tahun yang berikutnya.

(2) Apabila diterimanya permohonan dan bayaran yang tersebut dalam subseksyen (1), Pendaftar hendaklah mengeluarkan suatu perakuan pengamalan tahunan kepada pemohon yang membenarkan pemohon menjalankan amalan sebagai juruoptik atau optometris dalam tahun yang baginya perakuan itu dikeluarkan.

(3) Tertakluk kepada subseksyen (4), sesuatu perakuan yang dikeluarkan di bawah subseksyen (2) hendaklah berkuatkuasa sehingga tiga puluh satu haribulan Disember tahun yang baginya perakuan itu dikeluarkan.

(4) Seseorang orang berdaftar yang tidak memohon untuk mendapatkan suatu perakuan pengamalan tahunan mengikut cara dan dalam tempoh yang dinyatakan dalam subseksyen (1) boleh, apabila dia membuat permohonan dalam borang yang ditetapkan dan apabila dia membayar fee tambahan yang ditetapkan, diberi suatu perakuan pengamalan tahunan bagi tahun yang berikutnya, jika permohonan itu dibuat dalam bulan Disember mana- mana tahun, atau bagi baki tahun itu, jika permohonan dibuat pada atau selepas atau haribulan Januari mana- mana tahun.

(5) Walau apa pun apa- apa jua yang berlawanan dalam Akta ini, seorang orang berdaftar boleh menjalankan amalan sebagai juruoptik atau optometris tanpa perakuan pengamalan tahunan sehingga tiga puluh satu haribulan Disember tahun dia pertama kalinya didaftarkan sebagai juruoptik atau optometris dan, bagi maksud Akta ini dan mana- mana peraturan yang dibuat di bawah Akta ini, dia hendaklah disifatkan mempunyai perakuan pengamalan tahunan bagi tempoh itu.

(6) Sesuatu perakuan pengamalan tahunan dan sesuatu permohonan perakuan pengamalan tahunan hendaklah mengandungi alamat tempat utama pemohon menjalankan amalan, dan apa- apa pertukaran

mana- mana alamat itu hendaklah diberitahukan oleh orang berdaftar itu kepada Pendaftar dan pengendorsan pertukaran itu pada perakuan pengamalan tahunan hendaklah didapatkan daripada Pendaftar dalam masa tiga hari dari pertukaran itu.

(7) Mana- mana orang yang tidak memberitahu Pendaftar, sebagaimana yang dikehendaki di bawah subseksyen (6), tentang apa- apa pertukaran alamat adalah melakukan suatu kesalahan.

(8) Suatu perakuan di bawah tandatangan Pendaftar bahawa mana- mana orang-

(a) ialah atau bukan pemegang suatu perakuan pengamalan tahunan; atau

(b) pernah menjadi atau tidak pernah menjadi pada bila- bila masa pemegang suatu perakuan pengamalan tahunan,

hendaklah menjadi keterangan konklusif tentang perkara- perkara yang tersebut dalam perakuan itu.

Seksyen 33. Penjalanan amalan tanpa perakuan pengamalan tahunan.

Seseorang yang -

(a) menjalankan amalan sebagai juruoptik atau optometris tanpa suatu perakuan pengamalan tahunan yang sah; atau

(b) berkongsi dengan seseorang yang menjalankan amalan sebagai juruoptik atau optometris tanpa suatu perakuan pengamalan tahunan yang sah; atau

(c) mengambil kerja seseorang yang menjalankan amalan sebagai juruoptik atau optometris tanpa suatu perakuan pengamalan tahunan yang sah,

adalah melakukan suatu kesalahan dan tidaklah berhak mendapatkan apa- apa fee, hadiah, pembayaran atau kos yang ditanggung dalam masa dia atau mana- mana orang yang tersebut dalam perenggan (b) dan (c) tidak mempunyai perakuan pengamalan tahunan.

Seksyen 34. Pendaftaran fraud.

Seseorang yang didaftarkan atau yang cuba mendapatkan pendaftaran bagi dirinya atau mana- mana orang lain di bawah Akta ini dengan membuat atau mengemukakan atau menyebabkan dibuat atau dikemukakan apa- apa nyataan atau akuan palsu atau fraud sama ada secara lisan atau bertulis adalah melakukan suatu kesalahan.

Seksyen 35. Kesalahan- kesalahan.

(1) Seseorang yang tidak didaftarkan di bawah Akta ini adalah melakukan suatu kesalahan jika dia-

(a) dengan sengaja dan dengan palsu memakai atau menggunakan nama atau gelaran "juruoptik" atau "optometris"; atau

(b) dengan sengaja dan dengan palsu berpura- pura menjadi seorang orang berdaftar; atau

(c) dengan sengaja dan dengan palsu berpura berkeelayakan untuk menjalankan amalan optometri; atau

(d) dengan sengaja dan dengan palsu memakai atau menggunakan apa- apa nama, gelaran, tambahan atau perihalan yang memberi faham bahawa dia ialah seorang yang berdaftar atau bahawa dia diiktiraf di sisi undang- undang sebagai seorang juruoptik atau optometris; atau

(e) dengan sengaja dan dengan palsu memakai atau menggunakan apa- apa nama, gelaran, tambahan atau perihalan, atau menggunakan apa- apa alat yang direncanakan untuk mendorong mana- mana orang supaya mempercayai bahawa dia berkeelayakan menjalankan amalan optometri; atau

(f) menggunakan istilah "juruoptik" atau "optometris" atau sesuatu perkataan yang sama erti dengan salah satu istilah itu dalam apa- apa bahasa lain pada papan tanda di tempat amalannya dengan berupa sebagai menjalankan amalan optometri; atau

(g) mengemukakan dirinya, melalui iklan atau selainnya, sebagai berkeelayakan atau dibenarkan untuk menjalankan amalan optometri.

(2) Seseorang atau sesuatu firma adalah melakukan suatu kesalahan jika dalam masa orang atau firma itu menjalankan sesuatu perniagaan-

(a) mana- mana orang yang diambil kerja oleh orang atau firma itu; atau

(b) mana- mana anggota firma itu,

menjalankan amalan optometri tanpa didaftarkan dibawah Akta ini.

(3) Seseorang yang melakukan kesalahan di bawah seksyen ini, apabila disabitkan, boleh didenda tidak melebihi sepuluh ribu ringgit atau dipenjarakan selama tempoh yang tidak melebihi dua tahun atau kedua- duanya.

Seksyen 36. Alat- alat optik.

(1) Tertakluk kepada subseksyen (2), tiada seorang pun boleh menjual apa- apa alat optik melainkan jika jualan itu dilaksanakan oleh atau di bawah penyeliaan seorang pengamal perubatan atau seorang orang berdaftar.

(2) Subseksyen (1) tidak terpakai bagi penjualan sesuatu alat optik-

(a) kepada pengamal perubatan atau orang berdaftar; atau

(b) kepada pengilang atau peniaga alat optik bagi maksud perniagaannya; atau

(c) kepada mana- mana pihak berkuasa atau orang yang bertanggungjawab bagi mengurus-

(i) sesuatu hospital;

(ii) sesuatu klinik;

(iii) sesuatu rumah rawatan; atau

(iv) mana- mana institusi lain yang memberikan rawatan perubatan atau pembedahan dan yang diluluskan oleh Menteri; atau

(d) kepada sesuatu jabatan kerajaan; atau

(e) bagi maksud pengekspornannya.

(3) Mana- mana orang yang melanggar subseksyen (1) adalah melakukan sesuatu kesalahan.

(4) Dalam apa- apa pendakwaan kerana menjual sesuatu alat optik dengan melanggar subseksyen (1), adalah menjadi pembelaan jika pembela membuktikan bahawa dia menjual alat itu sebagai suatu barang antik dan bahawa dia tidak tahu dan tiada sebab untuk mempercayai bahawa alat itu telah dibeli bagi maksud digunakan untuk membetulkan, memulihkan atau meringankan kecacatan penglihatan.

Seksyen 37. Penalti am.

(1) Seseorang yang melakukan suatu kesalahan di bawah Akta ini yang baginya tiada penalti yang khusus diperuntukkan boleh, apabila disabitkan-

(a) berkenaannya dengan kesalahan kali pertama didenda tidak melebihi seribu ringgit;

(b) berkenaannya dengan kesalahan kali kedua atau yang selanjutnya, didenda tidak melebihi dua ribu ringgit atau dipenjara selama enam bulan atau kedua- duanya.

(2) Dalam hal sesuatu kesalahan yang berterusan, seseorang yang disabitkan di bawah Akta ini boleh didenda selanjutnya sebanyak lima puluh ringgit bagi setiap hari kesalahan itu berterusan selepas sabitan sebagai tambahan kepada penalti- penalti yang diperuntukkan di bawah perenggan (a) dan (b) subseksyen (1).

Seksyen 38. Kuasa untuk memasuki premis dan memeriksa dan menyita dokumen dsb.

(1) Bagi maksud- maksud Akta ini, seseorang pegawai awam yang diberikuasa secara bertulis oleh Ketua Pengarah boleh, dalam waktu perniagaan biasa, memasuki premis di mana seseorang orang berdaftar menjalankan amalan optometri atau di mana ada sebab yang munasabah untuk mempercayai bahawa seseorang menjalankan amalan optometri dan-

(a) boleh memeriksa apa- apa dokumen, radas atau artikel yang disimpan atau digunakan berkaitan dengan amalan itu;

(b) jika seseorang menjalankan amalan optometris tanpa berdaftar di bawah Akta ini, boleh menyita apa- apa dokumen, radas atau artikel yang disimpan atau digunakan berkaitan dengan amalan itu; dan

(c) boleh menghendaki supaya matlamat, yang berhubung dengan amalan itu, yang dinyatakan oleh orang diberikuasa itu diberikan kepadanya.

(2) Mana- mana orang yang-

(a) mengugat, menghalang atau mengganggu orang diberikuasa melaksanakan tugas orang diberikuasa itu; atau

(b) enggan membenarkan orang diberikuasa memeriksa apa- apa dokumen, radas atau artikel; atau

(c) enggan menunjukkan apa- apa dokumen, radas atau artikel untuk diperiksa oleh orang diberikuasa; atau

(d) enggan menyerahkan apa- apa dokumen, radas atau artikel kepada orang diberikuasa; atau

(e) enggan memberikan apa- apa maklumat yang dihendaki oleh orang diberikuasa; atau

(f) cuba melakukan mana- mana perbuatan di atas,

adalah melakukan suatu kesalahan.

(3) Jika seseorang orang diberikuasa menyita apa- apa dokumen, radas atau artikel, dia hendaklah memberikan resit yang bertandatangan bagi dokumen, radas atau artikel itu.

(4) Mana- mana orang yang menjalankan kuasa- kuasa di bawah seksyen ini hendaklah menunjukkan surat pemberikuasaannya apabila diminta.

Seksyen 39. Penjalanan pendakwaan.

Seseorang pegawai awam yang diberi kuasa secara bertulis oleh Ketua Pengarah boleh menjalankan apa- apa pendakwaan berkenaan dengan apa- apa kesalahan di bawah Akta ini.

Seksyen 40. Pertubuhan perbadanan dan perkongsian.

(1) Jika sesuatu pertubuhan perbadanan melakukan suatu kesalahan di bawah Akta ini, tiap- tiap pengarah dan pengurusnya adalah, melainkan jika dia membuktikan bahawa kesalahan itu dilakukan tanpa pengetahuannya, bersalah atas kesalahan itu.

(2) Jika sesuatu perkongsian melakukan suatu kesalahan di bawah Akta ini, tiap- tiap pekongsi adalah, dilakukan tanpa pengetahuannya, bersalah atas kesalahan itu.

Seksyen 41. Kuasa Menteri meminda Jadual- jadual.

Menteri, selepas berunding dengan Majlis, boleh, melalui perintah yang disiarkan dalam *Warta*, menambah kepada, memotong daripada atau meminda senarai kelulusan yang boleh didaftarkan yang terdapat dalam Jadual- Jadual.

Seksyen 42. Peraturan- peraturan.

(1) Menteri, selepas berunding dengan Majlis, boleh membuat peraturan- peraturan untuk menetapkan apa- apa jua yang dikehendaki atau dibenarkan ditetapkan di bawah Akta ini dan pada amnya untuk melaksanakan tujuan- tujuan dan maksud- maksud Akta ini.

(2) Khususnya dan tanpa menjejaskan keluasan subseksyen (1), peraturan- peraturan itu boleh menetapkan mana- mana atau kesemua yang berikut:

(a) tugas- tugas Pendaftar;

(b) bentuk Daftar, isi kandungannya dan cara menyimpannya;

(c) fee yang kena dibayar di bawah Akta ini dan apa- apa pengecualian daripadanya sebagaimana yang difikirkan patut oleh Menteri;

(d) bentuk dan cara permohonan pendaftaran dan permohonan perakuan pengamalan tahunan hendaklah dibuat;

(e) cara membuktikan kelayakan untuk menjalankan amalan sebagai juruoptik atau optometris;

(f) pengurusan harta Majlis dan pengauditan akaun- akaunnya;

(g) prosedur yang hendaklah diikuti berhubung dengan siasatan- siasatan yang diadakan di bawah Akta ini;

(h) prosedur yang hendaklah diikuti berhubung dengan rayuan- rayuan di bawah seksyen 25;

(i) prosedur pemilihan anggota- anggota Majlis;

(j) cara menjalankan peperiksaan- peperiksaan dan perkara- perkara yang akan diperiksa;

(k) cara bagaimana kursus- kursus latihan yang disebut dalam seksyen 30 hendaklah dijalankan dan sukatan pelajaran bagi kursus- kursus itu;

(l) bentuk apa- apa perakuan atau dokumen lain yang dikehendaki di bawah Akta ini.

FIRST SCHEDULE [Section 18]

LIST OF REGISTRABLE QUALIFICATIONS FOR OPTICIANS

<i>Country in which qualification is granted</i>	<i>Name of Institution granting qualification</i>	<i>Description of qualification</i>
India	Shri Vaishnav Polytechnic	Diploma in Optometry
	Municipal Eye Hospital Kamathipura, Bombay	Diploma in Optometry
	Sarojini Devi Eye Hospital, Hyderabad	Diploma in Optometry
	Government Eye Hospital Egmore, Madras	Diploma in Optometry
Indonesia	Sitapur Eye Hospital, Sitapur	Diploma in Optometry
	Akademi Refraksionis Optisien, Surabaya. (after 29 September 1997 known as Akademi Refraksi Optisi, Surabaya).	Diploma in Optometry
Malaysia	[Am. P.U.(A) 158/2006]	
	Vision College	Diploma in Opticianry (Recognized on 14 November 2018) [Ins. P.U. (A) 29/2019]
Philippines	Central College of Philippines	Doctor of Optometry
United Kingdom	South Western University	Doctor of Optometry
	The Association of Dispensing Opticians	Fellow of the Association of Dispensing Opticians
	Bradford Technical College	Fellow of the Association of Dispensing Opticians
		[Am. P.U.(A) 122/97]
	City and East London College of Applied Optics	Fellow of the Association of Dispensing Opticians
	Glasgow College of Technology	Diploma in Ophthalmic Dispensing
	The Association of the British Dispensing Opticians	Fellow of the British Dispensing Opticians (before 1 January 1986, excluded from recognition.)
	[Am. P.U.(A) 597/96]	
	Axismatics Professional Institute, Malaysia	Fellow of the Association of British Dispensing Opticians granted by The Association of British Dispensing Opticians through twinning programme (Recognized on 4 July 2014) [Ins. P.U. (A) 125/2017]

SECOND SCHEDULE [Section 19]

LIST OF REGISTRABLE QUALIFICATIONS FOR OPTOMETRISTS

<i>Country in which qualification is granted</i>	<i>Name of Institution granting qualification</i>	<i>Description of qualification</i>
Australia	Queensland University of Technology University of Melbourne	Bachelor of Applied Science (Optometry) Bachelor of Science in Optometry (Recognized on 1 January 1979 to 31 December 1994)
	University of New South Wales	Bachelor of Optometry (Recognized on 1 January 1995 to 1 March 2020) [Subs. P.U. (A) 234/2017] Bachelor of Optometry (Recognized on 1 January 1965)
Canada	University of Waterloo	Bachelor of Optometry (Hons) (Recognized on 1 January 1965) [Subs. P.U. (A) 234/2017]
Hong Kong	Hong Kong Polytechnic	Doctor of Optometry
	Institute of Medical and Health Care	Bachelor of Science
India	Birla Institute of Technology and Science, Pilani - Elite School of Optometry, Madras	Diploma in Optometry Bachelor of Science in Optometry [Subs. P.U.(A) 159/2007]
Malaysia	National Institute of Ophthalmic Science, Malaysia	Bachelor of Science in Optometry [Ins. P.U.(A) 231/2014]
	Universiti Kebangsaan Malaysia	Sarjana Muda Optometri
	International Islamic University of Malaysia	Bachelor of Optometry (Honours) [Ins. P.U.(A) 463/2008]
	International University College of Technology Twintech	Bachelor of Optometry (Honours) (Not recognized after 1 January 2018) [Am. P.U. (A) 125/2017];[Ins. P.U.(A) 33/2010]
	Universiti Teknologi MARA	Bachelor of Optometry (Honours). [Ins. P.U.(A) 207/2011]
	Management & Science University	Bachelor of Optometry (Honours). (Recognized on 4 July 2014) [Ins. P.U.(A) 14/2015]
	SEGi University	Bachelor of Optometry (Honours) (Recognized on 22 April 2015) [Ins. P.U. (A) 1/2016]
	UCSI University	Bachelor of Optometry (Honours) (Recognized on 14 November 2018) [Ins. P.U. (A) 30/2019]
New Zealand	University of Auckland	Diploma in Optometry (Recognized on 1 January 1967 until 31 December 1985) Bachelor of Optometry (Recognized on 1 January 1983) [Subs. P.U. (A) 145/2017]

Nigeria	University of Benin	Bachelor of Science in Optometry
	University of Aston in Birmingham	Bachelor of Science in Ophthalmic Optics
United Kingdom	University of Bradford	Bachelor of Science in Ophthalmic Optics (Recognized on 1 December 1992 until 11 July 2000)
		Bachelor of Science in Optometry (Hons) (Recognized on 12 July 2000) <i>[Subs. P.U. (A) 74/2017]</i>
	City University London	Bachelor of Science in Ophthalmic Optics Bachelor of Science in Optometry
		<i>[Ins. P. U(A) 66/1994]</i>
	University of Manchester Institute of Science and Technology University of Manchester	Bachelor of Science in Ophthalmic Optics
		Bachelor of Science in Optometry (Hons) (Recognized on 1 January 2004) <i>[Ins. P.U. (A) 74/2017]</i>
	Cardiff University	Bachelor of Science in Optometry <i>[Subs. P.U.(A) 159/2007]</i>
Glasgow College of Technology (after April 1993 known as Glasgow Caledonian University) <i>[Am. P.U.(A) 159/2006].</i>	Bachelor of Science in Optometry	
United States	Ohio State University	Doctor of Optometry
	University of California, Berkeley	Doctor of Optometry
	University of Houston	Doctor of Optometry
	University of Alabama in Birmingham	Doctor of Optometry
	New York State University	Doctor of Optometry
	Illinois College of Optometry, Chicago	Doctor of Optometry
	The New England College of Optometry, Boston	Doctor of Optometry
	Pacific University of Oregon	Doctor of Optometry
	Southern College of Optometry, Memphis	Doctor of Optometry
	The Southern California College of Optometry	Doctor of Optometry
	Ferris State University	Doctor of Optometry
	University of Missouri, St. Louis	Doctor of Optometry

LIST OF AMENDMENTS

Particulars under section 7(ii) and (iii) of the Revision of Laws Act 1968 (Act 1)

<i>Amending law</i>	<i>Short title</i>	<i>In force from</i>
P.U.(A) 66/94	Optical (Amendment of Second Schedule) Order 1994	25-02-1994
P.U.(A) 597/96	Optical (Amendment of First Schedule) Order 1996	13-12-1996
P.U.(A) 122/97	Optical (Amendment of First Schedule) Order 1997	28-03-1997
P.U. (A) 158/2006	Optical (Amendment of First Schedule) Order 2006	28-04-2006
P.U. (A) 159/2006	Optical (Amendment of Second Schedule) Order 2006	28-04-2006
P.U. (A) 159/2007	Optical (Amendment of Second Schedule) Order 2007	13-04-2007
P.U. (A) 463/2008	Optical (Amendment of Second Schedule) Order 2008	31-12-2008
P.U. (A) 33/2010	Optical (Amendment of Second Schedule) Order 2010	05-02-2010
P.U.(A) 207/2011	Optical (Amendment of Second Schedule) Order 2011	29-06-2011
P.U.(A) 231/2014	Optical (Amendment of Second Schedule) Order 2014	13-08-2014
P.U.(A) 14/2015	Optical (Amendment of Second Schedule) Order 2015	31-01-2015
P.U. (A) 1/2016	Optical (Amendment of Second Schedule) Order 2016	8-1-2016
P.U. (A) 74/2017	Optical (Amendment of Second Schedule) Order 2017	14-3-2017
P.U. (A) 121/2017	Optical (Amendment of First Schedule) Order 2017	14-4-2017
P.U. (A) 125/2017	Optical (Amendment of First and Second Schedules) Order 2017	20-04-2017
P.U. (A) 145/2017	Optical (Amendment of Second Schedule) (No. 2) Order 2017	24-05-2017
P.U. (A) 234/2017	Optical (Amendment of Second Schedule) (No. 3) Order 2017	15-08-2017
P.U. (A) 29/2019	Optical (Amendment of First Schedule) Order 2019	01-02-2019
P.U. (A) 30/2019	Optical (Amendment of Second Schedule) Order 2019	01-02-2019

REGULATIONS

- Optical (Fees Exemption) Regulations 1995 - P.U.(B) 104/95;
- [Optical Regulations 1994 - P.U.\(A\) 210/1994](#). [Am. P.U.(A) 64/2014]